

[Augsburg], 1. Mai 1580

An Joachim Camerarius d. J.

UB Erlangen, Briefslg. Trew, Wolf, Hieronymus, Nr. 15.

S. Me quaternionem paternarum in Suidam annotationum accepisse, et, quia tu id facere grauaris, τὸ πραγματικὰ interpretaturum, ideo nunc signifco, quia per absentiam fratris, binas meas literas tibi non esse redditas suspicor. Itaque te nihil interim vel scripsisse vel misisse, minus miror. Petieram autem abs te, ut singulos quaterniones singulis mensibus ad me mitteres. Quod utinam occupationes tuae te facere paterentur. Quas quidem nouo coniugio (quod Deus opt[imus] Max[imus] tibi fortunare velit) non parum esse auctas, minimè dubito. Sed tamen facies quod poteris, et pro virili maturabis. Nam Episcopius significat, se, sub autumnum, Suidam praelo subiecturum. Itaque nisi paternas annotationes ante Cal[endas] Februarias, omnes acceperit: viuis nobis eae posthac non facilè excudentur, nisi fortè seorsim: quod minus commodum fuerit. Dabis igitur hoc paternis Manibus, ut aliquid laboris ei rei impendas: eādemqū opera et gloriae Camerariadum aliquid adijicias, et de studiosis hominibus bene merearis. De vitae descriptione quid apud Esromum effeceris, scire cupio. Mitto Thusculanas meas et tabulam philosophicam: quas te seniles nugas, quae tua humanitas est, aequi boniqūe facturum confido. Vale cum omne familia, et fratre: quibus P. S. precor. Cal[endas] Maij Anno 1580.

Hiero[nymus] Wolfius
Tuus.